

ATODLEN 1

(cyflwynwyd gan adran 13(2))

YMGORFFORI SWYDDFA ARCHWILIO CYMRU

RHAN 1

AELODAETH A STATWS

Aelodaeth

- 1 (1) Mae SAC i gael 9 aelod.
- (2) Dyma hwy—
 - (a) 5 person nad ydynt yn gyflogeion i SAC (“aelodau anweithredol”) (gweler Rhan 2 o’r Atodlen hon),
 - (b) yr Archwilydd Cyffredinol (gweler Rhan 3 o’r Atodlen hon), ac
 - (c) 3 chyflogai i SAC (“yr aelodau sy’n gyflogeion”) (gweler Rhannau 4 a 5 o’r Atodlen hon).

Gwybodaeth Cychwyn

- I1** Atod. 1 para. 1 ddim mewn grym ar y Cydsyniad Brenhinol, gweler [a. 35\(2\)](#)
- I2** [Atod. 1 para. 1](#) mewn grym ar 4.7.2013 at ddibenion penodedig gan [O.S. 2013/1466](#), [ergl. 2\(u\)\(i\)](#)
- I3** [Atod. 1 para. 1](#) mewn grym ar 1.4.2014 i’r graddau nad yw eisoes mewn grym gan [O.S. 2013/1466](#), [ergl. 3\(1\)](#)

Penodi aelodau anweithredol ac aelodau sy’n gyflogeion

- 2 (1) Mae aelodau SAC (ar wahân i’r Archwilydd Cyffredinol) i’w penodi yn unol â darpariaethau’r Atodlen hon.
- (2) Rhaid gwneud pob penodiad ar sail teilyngdod.
- (3) Ni all person gael ei benodi yn aelod o SAC os yw’r person wedi ei anghymhwysu rhag cael ei benodi ar unrhyw un o’r seiliau a bennir yn Rhan 6 o’r Atodlen hon.
- (4) Mae person yn peidio â bod yn aelod o SAC os yw’r person yn cael ei anghymhwysu ar unrhyw un o’r seiliau hynny.

Gwybodaeth Cychwyn

- I4** Atod. 1 para. 2 ddim mewn grym ar y Cydsyniad Brenhinol, gweler [a. 35\(2\)](#)
- I5** [Atod. 1 para. 2](#) mewn grym ar 4.7.2013 at ddibenion penodedig gan [O.S. 2013/1466](#), [ergl. 2\(u\)\(ii\)](#)
- I6** [Atod. 1 para. 2](#) mewn grym ar 1.4.2014 i’r graddau nad yw eisoes mewn grym gan [O.S. 2013/1466](#), [ergl. 3\(1\)](#)

Statws

- 3 (1) Nid yw SAC nac unrhyw un o’i haelodau i’w hystyried neu ei ystyried—
 - (a) yn was neu’n asiant i’r Goron, na
 - (b) yn mwynhau unrhyw statws, imiwnedd na braint sydd gan y Goron.

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

- (2) Ond ystyrir bod aelodau SAC yn weision y Goron at ddibenion Deddf Cyfrinachau Swyddogol 1989.
- (3) Nid yw eiddo SAC i'w ystyried yn eiddo i'r Goron neu'n eiddo sy'n cael ei ddal ar ran y Goron.
- (4) Nid yw'r paragraff hwn yn gymwys i'r Archwilydd Cyffredinol (ac ar gyfer darpariaethau ynglŷn â statws yr Archwilydd Cyffredinol, gweler adran 6).

Gwybodaeth Cychwyn

- I7** Atod. 1 para. 3 ddim mewn grym ar y Cydsyniad Brenhinol, gweler [a. 35\(2\)](#)
- I8** [Atod. 1 para. 3](#) mewn grym ar 4.7.2013 at ddibenion penodedig gan [O.S. 2013/1466](#), [ergl. 2\(u\)\(iii\)](#)
- I9** [Atod. 1 para. 3](#) mewn grym ar 1.4.2014 i'r graddau nad yw eisoes mewn grym gan [O.S. 2013/1466](#), [ergl. 3\(1\)](#)

RHAN 2

AELODAU ANWEITHREDOL

Penodi aelodau anweithredol

- 4 (1) Mae aelodau anweithredol i'w penodi gan y Cynulliad Cenedlaethol.
- (2) Rhaid i benodiadau a wneir o dan is-baragraff (1) gael eu gwneud ar gasgliadau cystadleuaeth deg ac agored.

Gwybodaeth Cychwyn

- I10** Atod. 1 para. 4 ddim mewn grym ar y Cydsyniad Brenhinol, gweler [a. 35\(2\)](#)
- I11** [Atod. 1 para. 4](#) mewn grym ar 4.7.2013 gan [O.S. 2013/1466](#), [ergl. 2\(u\)\(iv\)](#)

Penodi cadeirydd ar SAC

- 5 (1) Mae cadeirydd ar SAC i'w benodi gan y Cynulliad Cenedlaethol o blith yr aelodau anweithredol.
- (2) Ond cyn penodi'r cadeirydd rhaid ymgynghori â'r Prif Weinidog.
- (3) Caiff y Cynulliad Cenedlaethol estyn penodiad o dan y paragraff hwn yn unol â'r weithdrefn sy'n ofynnol ar gyfer y penodiad gwreiddiol.
- (4) Mae estyniad i'r penodiad yn cyfrif fel penodiad ar wahân at ddibenion paragraffau 6 i 8.

Gwybodaeth Cychwyn

- I12** Atod. 1 para. 5 ddim mewn grym ar y Cydsyniad Brenhinol, gweler [a. 35\(2\)](#)
- I13** [Atod. 1 para. 5](#) mewn grym ar 4.7.2013 gan [O.S. 2013/1466](#), [ergl. 2\(u\)\(v\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

Cyfnod penodi ac ailbenodi

- 6 (1) Rhaid i benodiad o dan y Rhan hon o'r Atodlen hon fod am gyfnod o hyd at 4 blynedd a dim mwy na hynny.
- (2) Ni chaniateir penodi person o dan y Rhan hon o'r Atodlen hon fwy na dwywaith.

Gwybodaeth Cychwyn

II4 Atod. 1 para. 6 ddim mewn grym ar y Cydsyniad Brenhinol, gweler **a. 35(2)**

II5 Atod. 1 para. 6 mewn grym ar 4.7.2013 gan O.S. 2013/1466, **ergl. 2(u)(vi)**

Trefniadau talu cydnabyddiaeth

- 7 (1) Caiff y Cynulliad Cenedlaethol wneud trefniadau ar gyfer talu cydnabyddiaeth mewn perthynas â'r person sy'n gadeirydd SAC (yn ddarostyngedig i is-baragraff (2) a pharagraff 9).
- (2) Ond cyn gwneud y trefniadau hynny rhaid ymgynghori â'r Prif Weinidog.
- (3) Bydd symiau sy'n daladwy o dan is-baragraff (1) yn cael eu codi ar Gronfa Gyfunol Cymru a'u talu ohoni.
- (4) Caiff y Cynulliad Cenedlaethol wneud trefniadau ar gyfer talu cydnabyddiaeth mewn perthynas ag unrhyw aelod anweithredol arall.
- (5) Bydd symiau sy'n daladwy o dan is-baragraff (4) yn cael eu talu gan SAC.
- (6) Caniateir i drefniadau talu cydnabyddiaeth o dan y paragraff hwn—
- (a) darparu ar gyfer cyflog, lwfansau, arian rhodd, a buddion eraill i dalu treuliau yr aed iddynt yn briodol ac o anghenraid, ond nid ar gyfer pensiwn, a
 - (b) cynnwys fformiwla neu fecanwaith arall ar gyfer addasu un neu fwy o'r elfennau hynny o dro i dro.
- (7) Ond ni chaiff unrhyw elfen fod yn seiliedig ar berfformiad.

Gwybodaeth Cychwyn

II6 Atod. 1 para. 7 ddim mewn grym ar y Cydsyniad Brenhinol, gweler **a. 35(2)**

II7 Atod. 1 para. 7 mewn grym ar 4.7.2013 gan O.S. 2013/1466, **ergl. 2(u)(vii)**

Telerau penodi eraill

- 8 (1) Caiff y Cynulliad Cenedlaethol bennu telerau penodi eraill ar gyfer penodiad o dan y Rhan hon o'r Atodlen hon (yn ddarostyngedig i baragraff 9).
- (2) Caiff y telerau hynny gynnwys cyfyngiadau ar y canlynol—
- (a) y swyddi (gan gynnwys swyddi y caniateir penodi personau iddynt, eu hargymell ar eu cyfer neu eu henwebu ar eu cyfer gan neu ar ran y Goron, y Cynulliad Cenedlaethol neu Gomisiwn y Cynulliad Cenedlaethol)—
 - (i) y caiff aelod anweithredol eu dal tra bo'r person hwnnw yn aelod, neu wedi iddo beidio â bod yn aelod;

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

- (ii) y caiff cadeirydd SAC eu dal tra bo'r person hwnnw'n gadeirydd, neu wedi iddo beidio â bod yn gadeirydd, a
- (b) y cytundebau a'r trefniadau eraill (gan gynnwys cytundebau a threfniadau gyda'r Goron, y Cynulliad Cenedlaethol neu Gomisiwn y Cynulliad Cenedlaethol, neu gyrff neu bersonau eraill sy'n gweithredu ar ran y Goron, y Cynulliad Cenedlaethol neu Gomisiwn y Cynulliad)—
 - (i) y caiff aelod anweithredol fod yn barti iddynt tra bo'r person hwnnw yn aelod, neu wedi iddo beidio â bod yn aelod;
 - (ii) y caiff cadeirydd SAC fod yn barti iddynt tra bo'r person hwnnw'n gadeirydd, neu wedi iddo beidio â bod yn gadeirydd.
- (3) Ond dim ond tra bod person yn aelod anweithredol, ac am uchafswm o 2 flynedd yn dechrau ar y diwrnod y mae person yn peidio â bod yn aelod anweithredol, y caniateir gorfodi'r cyfyngiadau hyn.

Gwybodaeth Cychwyn

I18 Atod. 1 para. 8 ddim mewn grym ar y Cydsyniad Brenhinol, gweler [a. 35\(2\)](#)

I19 Atod. 1 para. 8 mewn grym ar 4.7.2013 gan [O.S. 2013/1466](#), [ergl. 2\(u\)\(viii\)](#)

Ymgynghori

- 9 (1) Cyn gwneud unrhyw drefniadau o dan baragraff 7 neu benderfyniad o dan baragraff 8, rhaid ymgynghori â pherson priodol sydd â goruchwyliaeth dros benodiadau cyhoeddus.
- (2) Mae'r ymgynghoriad sy'n ofynnol o dan is-baragraff (1) yn ychwanegol at yr ymgynghoriad sy'n ofynnol o dan baragraff 7(2).

Gwybodaeth Cychwyn

I20 Atod. 1 para. 9 ddim mewn grym ar y Cydsyniad Brenhinol, gweler [a. 35\(2\)](#)

I21 Atod. 1 para. 9 mewn grym ar 4.7.2013 gan [O.S. 2013/1466](#), [ergl. 2\(u\)\(ix\)](#)

Dod â phenodiadau i ben

- 10 (1) Caiff y person sy'n gadeirydd ar SAC ymddiswyddo o'i swydd fel cadeirydd drwy roi hysbysiad ysgrifenedig i'r Cynulliad Cenedlaethol.
- (2) Caiff aelod anweithredol ymddiswyddo drwy roi hysbysiad ysgrifenedig i'r Cynulliad Cenedlaethol.
- (3) Daw penodiad y person sy'n ymddiswyddo i ben, yn unol ag is-baragraffau (1) neu (2), pan fo'r ymddiswyddiad yn cael ei dderbyn.

Gwybodaeth Cychwyn

I22 Atod. 1 para. 10 ddim mewn grym ar y Cydsyniad Brenhinol, gweler [a. 35\(2\)](#)

I23 Atod. 1 para. 10 mewn grym ar 4.7.2013 gan [O.S. 2013/1466](#), [ergl. 2\(u\)\(x\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

- 11 (1) Caiff y Cynulliad Cenedlaethol ddod â phenodiad aelod anweithredol i ben drwy roi hysbysiad ysgrifenedig i'r aelod os—
- (a) bu'r aelod yn absennol o gyfarfodydd SAC heb ganiatâd SAC am gyfanswm o 3 mis neu fwy (dros gyfnod neu gyfnodau) mewn unrhyw gyfnod o 12 mis,
 - (b) yw'r aelod wedi mynd yn fethdalwr neu wedi gwneud trefniant â chredydwr,
 - (c) yw ystâd yr aelod wedi ei secwestru yn yr Alban neu fod yr aelod wedi ymrwymo i gynllun trefniant dyled o dan Ran 1 o Ddeddf Trefnu ac Atafaelu Dyled (Yr Alban) 2002 fel dyledwr, neu wedi gwneud, o dan gyfraith yr Alban, gompôwnd neu drefniant gyda chredydwr yr aelod neu wedi rhoi gweithred ymddiried iddynt,
 - (d) yw'r aelod yn anaddas i barhau oherwydd camymddygiad,
 - (e) yw'r aelod wedi methu â chydymffurfio â thelerau'r penodiad, neu
 - (f) yw'r aelod yn methu â chyflawni ei swyddogaethau fel arall, yn anaddas i'w cyflawni fel arall, neu'n anfodlon eu cyflawni fel arall.
- (2) Os yw'r aelod anweithredol y daw a'i benodiad i ben o dan is-baragraff (1) yn gadeirydd ar SAC, mae penodiad y person hwnnw fel cadeirydd hefyd yn dod i ben.

Gwybodaeth Cychwyn

- I24** Atod. 1 para. 11 ddim mewn grym ar y Cydsyniad Brenhinol, gweler [a. 35\(2\)](#)
I25 Atod. 1 para. 11 mewn grym ar 4.7.2013 gan O.S. 2013/1466, [ergl. 2\(u\)\(x\)](#)

- 12 (1) Caiff y Cynulliad Cenedlaethol ddod â phenodiad aelod anweithredol fel cadeirydd SAC i ben.
- (2) Ond cyn dod â phenodiad i ben rhaid ymgynghori â'r Prif Weinidog.
- (3) Caiff y Cynulliad Cenedlaethol ddod â'r penodiad i ben os yw'r person sy'n gadeirydd ar SAC—
- (a) wedi methu â chydymffurfio â thelerau'r penodiad, neu
 - (b) fel arall yn anfodlon cyflawni swyddogaethau bod yn gadeirydd SAC.

Gwybodaeth Cychwyn

- I26** Atod. 1 para. 12 ddim mewn grym ar y Cydsyniad Brenhinol, gweler [a. 35\(2\)](#)
I27 Atod. 1 para. 12 mewn grym ar 4.7.2013 gan O.S. 2013/1466, [ergl. 2\(u\)\(x\)](#)

Gwybodaeth Cychwyn

- I22** Atod. 1 para. 10 ddim mewn grym ar y Cydsyniad Brenhinol, gweler [a. 35\(2\)](#)
I23 Atod. 1 para. 10 mewn grym ar 4.7.2013 gan O.S. 2013/1466, [ergl. 2\(u\)\(x\)](#)
I24 Atod. 1 para. 11 ddim mewn grym ar y Cydsyniad Brenhinol, gweler [a. 35\(2\)](#)
I25 Atod. 1 para. 11 mewn grym ar 4.7.2013 gan O.S. 2013/1466, [ergl. 2\(u\)\(x\)](#)
I26 Atod. 1 para. 12 ddim mewn grym ar y Cydsyniad Brenhinol, gweler [a. 35\(2\)](#)
I27 Atod. 1 para. 12 mewn grym ar 4.7.2013 gan O.S. 2013/1466, [ergl. 2\(u\)\(x\)](#)

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

RHAN 3

YR ARCHWILYDD CYFFREDINOL

Talu cydnabyddiaeth ychwanegol i'r Archwilydd Cyffredinol

- 13 (1) Caiff SAC wneud darpariaeth i daliadau ychwanegol gael eu gwneud i'r Archwilydd Cyffredinol drwy lwfansau a buddion eraill i dalu treuliau yr aed iddynt yn briodol ac o anghenraid gan yr Archwilydd Cyffredinol yn rhinwedd ei swydd fel aelod o SAC a phrif weithredwr arni.
- (2) Caniateir i daliadau gael eu gwneud o dan is-baragraff (1) yn ychwanegol at y tâl cydnabyddiaeth sy'n daladwy i'r Archwilydd Cyffredinol o dan adran 7.
- (3) Mae symiau sy'n daladwy o dan is-baragraff (1) i'w talu gan SAC.

Gwybodaeth Cychwyn

- I28** Atod. 1 para. 13 ddim mewn grym ar y Cydsyniad Brenhinol, gweler [a. 35\(2\)](#)
I29 Atod. 1 para. 13 mewn grym ar 4.7.2013 gan [O.S. 2013/1466](#), [ergl. 2\(u\)\(xi\)](#)

RHAN 4

AELODAU SY'N GYFLOGEION

Penodi

- 14 Mae'r aelodau sy'n gyflogeion i gynnwys-
- (a) person a benodir yn unol â pharagraff 15 ("yr aelod a benodir"), a
- (b) dau berson a benodir yn unol â pharagraff 16 ("yr aelodau etholedig").

Gwybodaeth Cychwyn

- I30** Atod. 1 para. 14 ddim mewn grym ar y Cydsyniad Brenhinol, gweler [a. 35\(2\)](#)
I31 Atod. 1 para. 14 mewn grym ar 1.4.2014 gan [O.S. 2013/1466](#), [ergl. 3\(1\)](#)

Yr aelod a benodir

- 15 (1) Rhaid i'r Archwilydd Cyffredinol argymhell person i'r aelodau anweithredol i'w benodi o dan y paragraff hwn.
- (2) Rhaid i'r aelodau anweithredol—
- (a) penodi'r person hwnnw, neu
- (b) ei gwneud yn ofynnol i'r Archwilydd Cyffredinol argymhell person arall (os felly bydd yr is-baragraff hwn yn gymwys dro ar ôl tro hyd nes bod rhywun wedi ei benodi'n aelod).

Gwybodaeth Cychwyn

- I32** Atod. 1 para. 15 ddim mewn grym ar y Cydsyniad Brenhinol, gweler [a. 35\(2\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

I33 Atod. 1 para. 15 mewn grym ar 1.4.2014 gan O.S. 2013/1466, **ergl. 3(1)**

Yr aelodau etholedig

- 16 (1) Rhaid i SAC gynnal pleidlais o'i staff at ddiben penodi person neu bersonau, yn ôl y digwydd, o dan y paragraff hwn.
- (2) Mae'r aelodau etholedig i'w penodi gan yr aelodau anweithredol yn unol â chanlyniad y bleidlais.
- (3) Mae penodiad a wneir o dan y paragraff hwn i'w drin fel penodiad ar sail teilyngdod at ddibenion paragraff 2(2) (penodi aelodau SAC ar sail teilyngdod).

Gwybodaeth Cychwyn

I34 Atod. 1 para. 16 ddim mewn grym ar y Cydsyniad Brenhinol, gweler **a. 35(2)**

I35 Atod. 1 para. 16 mewn grym ar 1.4.2014 gan O.S. 2013/1466, **ergl. 3(1)**

Telerau penodi

- 17 (1) Bydd telerau penodi yr aelodau sy'n gyflogeion yn cael eu pennu gan yr aelodau anweithredol.
- (2) Caiff y telerau gynnwys trefniadau talu cydnabyddiaeth a all—
- (a) gwneud darpariaeth ar gyfer lwfansau, arian rhodd a buddion eraill i dalu treuliau yr aed iddynt yn briodol ac o anghenraid gan y person yn rhinwedd ei swydd fel aelod o SAC, a
- (b) cynnwys fformiwla neu fecanwaith arall ar gyfer addasu un neu fwy o'r elfennau hynny o dro i dro.
- (3) Ni chaiff y trefniadau talu cydnabyddiaeth ddarparu ar gyfer talu cyflog nac ychwaith, yn ddarostyngedig i is-baragraff (5), ar gyfer pensiwn.
- (4) Bydd y symiau sy'n daladwy o dan is-baragraff (2) yn cael eu talu gan SAC.
- (5) Os yw aelod sy'n gyflogai ("A") yn cyfranogi o gynllun pensiwn o dan delerau cyflogaeth A gyda SAC, rhaid i'r trefniadau talu cydnabyddiaeth (heb effeithio ar barhad y gyflogaeth honno) wneud darpariaethau sy'n sicrhau bod gwasanaeth A fel aelod sy'n gyflogai i'w drin, at ddibenion y cynllun, fel petai'n wasanaeth fel cyflogai i SAC.

Gwybodaeth Cychwyn

I36 Atod. 1 para. 17 ddim mewn grym ar y Cydsyniad Brenhinol, gweler **a. 35(2)**

I37 Atod. 1 para. 17 mewn grym ar 1.4.2014 gan O.S. 2013/1466, **ergl. 3(1)**

Telerau penodi eraill

- 18 (1) Caiff yr aelodau anweithredol bennu telerau penodi eraill ar gyfer penodiad aelod sy'n gyflogai.
- (2) Caiff y telerau hynny gynnwys cyfyngiadau ar y canlynol—

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

- (a) y swyddi (gan gynnwys swyddi y caniateir penodi personau iddynt, eu hargymell ar eu cyfer neu eu henwebu ar eu cyfer gan neu ar ran y Goron, y Cynulliad Cenedlaethol neu Gomisiwn y Cynulliad Cenedlaethol) y caiff yr aelod sy'n gyflogai eu dal tra bo'r person hwnnw yn aelod, neu wedi iddo beidio â bod yn aelod;
 - (b) y cytundebau a'r trefniadau eraill (gan gynnwys cytundebau a threfniadau gyda'r Goron, y Cynulliad Cenedlaethol neu Gomisiwn y Cynulliad Cenedlaethol, neu gyrff neu bersonau eraill sy'n gweithredu ar ran y Goron, y Cynulliad Cenedlaethol neu Gomisiwn y Cynulliad) y caiff yr aelod sy'n gyflogai fod yn barti iddynt tra bo'r person hwnnw yn aelod, neu wedi iddo beidio â bod yn aelod.
- (3) Ond dim ond tra bod person yn aelod sy'n gyflogai, ac am uchafswm o 2 flynedd yn dechrau ar y diwrnod y mae person yn peidio â bod yn aelod sy'n gyflogai, y caniateir gorfodi'r cyfyngiadau hynny.

Gwybodaeth Cychwyn

I38 Atod. 1 para. 18 ddim mewn grym ar y Cydsyniad Brenhinol, gweler [a. 35\(2\)](#)

I39 Atod. 1 para. 18 mewn grym ar 1.4.2014 gan [O.S. 2013/1466](#), [ergl. 3\(1\)](#)

Dod â phenodiad i ben

- 19 Mae penodiad aelod sy'n gyflogai yn dod i ben—
- (a) os yw'r telerau penodi yn darparu ei fod yn dod i ben ar ddiwedd cyfnod, ar ddiwedd y cyfnod hwnnw, a
 - (b) beth bynnag yw'r sefyllfa, pan fo'r aelod yn peidio â bod yn gyflogai i SAC.

Gwybodaeth Cychwyn

I40 Atod. 1 para. 19 ddim mewn grym ar y Cydsyniad Brenhinol, gweler [a. 35\(2\)](#)

I41 Atod. 1 para. 19 mewn grym ar 1.4.2014 gan [O.S. 2013/1466](#), [ergl. 3\(1\)](#)

- 20 (1) Caiff aelod sy'n gyflogai ymddiswyddo drwy roi hysbysiad ysgrifenedig i'r aelodau anweithredol.
- (2) Bydd y penodiad yn dod i ben pan fo'r ymddiswyddiad yn cael ei dderbyn gan yr aelodau anweithredol.

Gwybodaeth Cychwyn

I42 Atod. 1 para. 20 ddim mewn grym ar y Cydsyniad Brenhinol, gweler [a. 35\(2\)](#)

I43 Atod. 1 para. 20 mewn grym ar 1.4.2014 gan [O.S. 2013/1466](#), [ergl. 3\(1\)](#)

- 21 Caiff yr aelodau anweithredol ddod â phenodiad aelod sy'n gyflogai i ben drwy roi hysbysiad ysgrifenedig i'r aelod os—
- (a) bu'r aelod yn absennol o gyfarfodydd SAC heb ganiatâd SAC am gyfanswm o 3 mis neu fwy (dros gyfnod neu gyfnodau) mewn unrhyw gyfnod o 12 mis,
 - (b) yw'r aelod wedi mynd yn fethdalwr neu wedi gwneud trefniant â chredydwr,

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

- (c) yw ystâd yr aelod wedi ei secwestru yn yr Alban neu fod yr aelod wedi ymrwymo i gynllun trefniant dyled o dan Ran 1 o Ddeddf Trefnu ac Atafaelu Dyled (Yr Alban) 2002 fel dyledwr, neu wedi gwneud, o dan gyfraith yr Alban, gompôwnd neu drefniant gyda chredydwyd yr aelod neu wedi rhoi gweithred ymddiried iddynt,
- (d) yw'r aelod yn anaddas i barhau oherwydd camymddygiad,
- (e) yw'r aelod wedi methu â chydymffurfio â thelerau'r penodiad, neu
- (f) yw'r aelod yn methu â chyflawni ei swyddogaethau fel arall, yn anaddas i'w cyflawni fel arall, neu'n anfodlon eu cyflawni fel arall.

Gwybodaeth Cychwyn

- I44** Atod. 1 para. 21 ddim mewn grym ar y Cydsyniad Brenhinol, gweler [a. 35\(2\)](#)
- I45** [Atod. 1 para. 21](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

Gwybodaeth Cychwyn

- I40** Atod. 1 para. 19 ddim mewn grym ar y Cydsyniad Brenhinol, gweler [a. 35\(2\)](#)
- I41** [Atod. 1 para. 19](#) mewn grym ar 1.4.2014 gan [O.S. 2013/1466](#), [ergl. 3\(1\)](#)
- I42** Atod. 1 para. 20 ddim mewn grym ar y Cydsyniad Brenhinol, gweler [a. 35\(2\)](#)
- I43** [Atod. 1 para. 20](#) mewn grym ar 1.4.2014 gan [O.S. 2013/1466](#), [ergl. 3\(1\)](#)
- I44** Atod. 1 para. 21 ddim mewn grym ar y Cydsyniad Brenhinol, gweler [a. 35\(2\)](#)
- I45** [Atod. 1 para. 21](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

RHAN 5

CYFLOGEION

Penodi

- 22 (1) Caiff SAC gyflogi staff.
- (2) Ni all person gael ei benodi yn aelod o staff SAC os yw'r person wedi ei anghymhwyso rhag cael ei benodi ar unrhyw un o'r seiliau a bennir yn Rhan 6 o'r Atodlen hon.
- (3) Bydd person yn peidio â bod yn aelod o staff SAC os yw'r person wedi ei anghymhwyso ar unrhyw un o'r seiliau hynny.
- (4) Bydd staff SAC yn cael eu cyflogi ar y telerau hynny y caniateir i SAC eu penderfynu.
- (5) Ni chaiff person sy'n gyflogai i SAC ddal unrhyw swydd y caniateir penodi person iddi, argymhell person ar ei chyfer neu enwebu person ar ei chyfer gan neu ar ran y Goron, y Cynulliad Cenedlaethol neu Gomisiwn y Cynulliad Cenedlaethol.

Gwybodaeth Cychwyn

- I46** Atod. 1 para. 22 ddim mewn grym ar y Cydsyniad Brenhinol, gweler [a. 35\(2\)](#)
- I47** [Atod. 1 para. 22](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

Statws

- 23 Nid yw aelod o staff SAC i'w ystyried—
- (a) yn was neu'n asiant i'r Goron, neu
 - (b) yn mwynhau unrhyw statws, imiwnedd na braint sydd gan y Goron.

Gwybodaeth Cychwyn

- I48** Atod. 1 para. 23 ddim mewn grym ar y Cydsyniad Brenhinol, gweler [a. 35\(2\)](#)
I49 [Atod. 1 para. 23](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

- 24 Ond ystyrir bod aelod o staff SAC yn was y Goron at ddibenion Deddf Cyfrinachau Swyddogol 1989.

Gwybodaeth Cychwyn

- I50** Atod. 1 para. 24 ddim mewn grym ar y Cydsyniad Brenhinol, gweler [a. 35\(2\)](#)
I51 [Atod. 1 para. 24](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

Gwybodaeth Cychwyn

- I48** Atod. 1 para. 23 ddim mewn grym ar y Cydsyniad Brenhinol, gweler [a. 35\(2\)](#)
I49 [Atod. 1 para. 23](#) mewn grym ar 1.4.2014 gan [O.S. 2013/1466](#), [ergl. 3\(1\)](#)
I50 Atod. 1 para. 24 ddim mewn grym ar y Cydsyniad Brenhinol, gweler [a. 35\(2\)](#)
I51 [Atod. 1 para. 24](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

Trefniadau talu cydnabyddiaeth

- 25 (1) Rhaid i SAC dalu tâl cydnabyddiaeth i gyflogeion fel y darperir ar ei gyfer gan eu telerau penodi, neu o dan y telerau hynny.
- (2) Rhaid i SAC dalu i'r Gweinidog dros y Gwasanaeth Sifil, ar yr adegau hynny a benderfynir gan y Gweinidog, daliadau o'r symiau hynny y penderfynir arnynt felly o ran y canlynol—
- (a) darparu pensiynau, lwfansau, arian rhodd neu fuddion eraill yn rhinwedd adran 1 o Ddeddf Blwydd-daliadau 1972 i, neu mewn perthynas ag, unrhyw berson sydd yn gyflogai i SAC neu sydd wedi peidio â bod yn gyflogai iddi, a
 - (b) y treuliau yr aed iddynt drwy weinyddu'r pensiynau hynny, y lwfansau hynny, y rhoddion ariannol hynny neu'r buddion eraill hynny.

Gwybodaeth Cychwyn

- I52** Atod. 1 para. 25 ddim mewn grym ar y Cydsyniad Brenhinol, gweler [a. 35\(2\)](#)
I53 [Atod. 1 para. 25](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

RHAN 6

ANGHYMHWYSO FEL AELOD O SAC NEU GYFLOGAI IDDI

- 26 (1) Ni all person gael ei benodi yn aelod o SAC neu yn gyflogai iddi os yw'r person wedi ei anghymhwysu ar unrhyw un o'r seiliau a bennir yn is-baragraff (3).
- (2) Mae person yn peidio â bod yn aelod o SAC neu yn gyflogai iddi os yw'r person wedi ei anghymhwysu ar unrhyw un o'r seiliau a bennir yn is-baragraff (3).
- (3) Mae person wedi ei anghymhwysu rhag bod yn aelod o SAC neu'n gyflogai iddi os yw'r person—
- (a) yn Aelod o'r Cynulliad Cenedlaethol;
 - (b) yn dal unrhyw swydd arall y caniateir i berson gael ei benodi iddi, neu ei argymhell ar ei chyfer neu ei enwebu ar ei chyfer, gan neu ar ran y canlynol—
 - (i) y Goron,
 - (ii) y Cynulliad Cenedlaethol, neu
 - (iii) Comisiwn y Cynulliad Cenedlaethol;
 - (c) yn Aelod o Dŷ'r Cyffredin neu Dŷ'r Arglwyddi;
 - (d) yn Aelod o Senedd yr Alban; neu
 - (e) yn Aelod o Gynulliad Gogledd Iwerddon.
- (4) Mae is-baragraff (3)(b) i'w anwybyddu yn achos yr Archwilydd Cyffredinol.

Gwybodaeth Cychwyn

- I54** Atod. 1 para. 26 ddim mewn grym ar y Cydsyniad Brenhinol, gweler [a. 35\(2\)](#)
- I55** [Atod. 1 para. 26](#) mewn grym ar 4.7.2013 at ddibenion penodedig gan [O.S. 2013/1466](#), [ergl. 2\(u\)\(xii\)](#)
- I56** [Atod. 1 para. 26](#) mewn grym ar 1.4.2014 i'r graddau nad yw eisoes mewn grym gan [O.S. 2013/1466](#), [ergl. 3\(1\)](#)

RHAN 7

RHEOLAU GWEITHDREFNOL

Cyffredinol

- 27 Rhaid i SAC wneud rheolau at ddibenion rheoleiddio gweithdrefnau SAC.

Gwybodaeth Cychwyn

- I57** Atod. 1 para. 27 ddim mewn grym ar y Cydsyniad Brenhinol, gweler [a. 35\(2\)](#)
- I58** [Atod. 1 para. 27](#) mewn grym ar 4.7.2013 gan [O.S. 2013/1466](#), [ergl. 2\(u\)\(xiii\)](#)

Cworwm ar gyfer cyfarfodydd SAC

- 28 (1) Rhaid i'r rheolau ddarparu am gworwm ar gyfer unrhyw gyfarfodydd SAC (gan gynnwys cyfarfodydd pwyllgorau neu is-bwyllgorau a sefydlir o dan baragraff 29).

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

- (2) Caiff y rheolau ddarparu bod cworymau gwahanol yn gymwys i amgylchiadau gwahanol (er enghraifft, mewn perthynas â chyfarfodydd penodol neu at ddibenion penodol).
- (3) Rhaid i'r rheolau ddarparu na ellir bodloni cworwm ar unrhyw adeg oni bai bod mwyafrif yr aelodau sy'n bresennol yn aelodau anweithredol.

Gwybodaeth Cychwyn

I59 Atod. 1 para. 28 ddim mewn grym ar y Cydsyniad Brenhinol, gweler [a. 35\(2\)](#)

I60 Atod. 1 para. 28 mewn grym ar 4.7.2013 gan [O.S. 2013/1466](#), [ergl. 2\(u\)\(xiv\)](#)

Pwyllgorau

- 29 (1) Caiff y rheolau gynnwys—
 - (a) darpariaeth ar gyfer sefydlu pwyllgorau SAC, ac i'r pwyllgorau hynny sefydlu is-bwyllgorau, a
 - (b) darpariaeth i reoleiddio gweithdrefnau'r pwyllgorau a'r is-bwyllgorau hynny.
- (2) Caiff cyflogai i SAC nad yw'n aelod sy'n gyflogai fod yn aelod o bwyllgor neu is-bwyllgor.
- (3) Caiff person nad yw'n aelod o SAC nac yn gyflogai i SAC fod yn aelod o bwyllgor neu is-bwyllgor, ar yr amod nad oes dim un o swyddogaethau SAC yn cael ei dirprwyo i'r pwyllgor neu'r is-bwyllgor (gweler paragraff 32).

Gwybodaeth Cychwyn

I61 Atod. 1 para. 29 ddim mewn grym ar y Cydsyniad Brenhinol, gweler [a. 35\(2\)](#)

I62 Atod. 1 para. 29(1) mewn grym ar 4.7.2013 gan [O.S. 2013/1466](#), [ergl. 2\(u\)\(xv\)](#)

I63 Atod. 1 para. 29(2)(3) mewn grym ar 1.4.2014 gan [O.S. 2013/1466](#), [ergl. 3\(1\)](#)

Cynnal pleidleisiau

- 30 Rhaid i'r rheolau gynnwys darpariaeth ynghylch cynnal pleidleisiau at ddiben penodi aelodau sy'n gyflogeion (gweler paragraff 16).

Gwybodaeth Cychwyn

I64 Atod. 1 para. 30 ddim mewn grym ar y Cydsyniad Brenhinol, gweler [a. 35\(2\)](#)

I65 Atod. 1 para. 30 mewn grym ar 4.7.2013 gan [O.S. 2013/1466](#), [ergl. 2\(u\)\(xvi\)](#)

RHAN 8

MATERION ERAILL

Dilysrwydd

- 31 Nid effeithir ar ddilysrwydd unrhyw beth a wneir gan SAC (gan gynnwys unrhyw beth a wneir gan ei haelodau anweithredol, yr aelodau sy'n gyflogeion, unrhyw bwyllgor neu is-bwyllgor, a chan unrhyw gyflogai i SAC) gan—
- (a) swydd wag, neu
 - (b) penodiad diffygiol.

Gwybodaeth Cychwyn

I66 Atod. 1 para. 31 ddim mewn grym ar y Cydsyniad Brenhinol, gweler [a. 35\(2\)](#)

I67 Atod. 1 para. 31 mewn grym ar 4.7.2013 gan [O.S. 2013/1466](#), [ergl. 2\(u\)\(xvii\)](#)

Dirprwyo swyddogaethau

- 32 (1) Caiff SAC ddirprwyo ei swyddogaethau i—
- (a) unrhyw un o'i haelodau, cyflogeion neu bwyllgorau, neu
 - (b) i berson sy'n darparu gwasanaethau i SAC.
- (2) Caiff pwyllgor ddirprwyo swyddogaethau (gan gynnwys swyddogaethau a ddirprwywyd iddo) i is-bwyllgor.
- (3) Nid yw dirprwyo swyddogaeth yn atal SAC na'r pwyllgor (yn ôl y digwydd) rhag gweithredu'r swyddogaeth ei hun.
- (4) Nid yw dirprwyo swyddogaeth yn effeithio ar gyfrifoldeb SAC neu'r pwyllgor (yn ôl y digwydd) am y swyddogaeth.
- (5) Ni chaniateir dirprwyo swyddogaethau o dan y darpariaethau canlynol—
- (a) adran 20(1)(a) (amcangyfrif incwm a gwariant SAC am bob blwyddyn ariannol);
 - (b) adran 25(1) (paratoi cynllun blynyddol ar gyfer pob blwyddyn ariannol gyda'r Archwilydd Cyffredinol);
 - (c) paragraff 27 o Ran 7 o'r Atodlen hon (gwneud rheolau at y diben o reoleiddio gweithdrefn SAC);
 - (d) paragraff 34(2) o Ran 8 o'r Atodlen hon (argymhell person i archwilio cyfrifon SAC, etc);
 - (e) paragraff 3 o Ran 2 o Atodlen 2 (paratoi adroddiad neu adroddiad interim, ar y cyd, bob blwyddyn ariannol ar arfer swyddogaethau'r Archwilydd Cyffredinol a SAC);
 - (f) paragraff 5 o Ran 3 o Atodlen 2 (dynodi person arall, dros dro, i arfer swyddogaethau'r Archwilydd Cyffredinol).

Gwybodaeth Cychwyn

I68 Atod. 1 para. 32 ddim mewn grym ar y Cydsyniad Brenhinol, gweler [a. 35\(2\)](#)

I69 Atod. 1 para. 32 mewn grym ar 4.7.2013 at ddibenion penodedig gan [O.S. 2013/1466](#), [ergl. 2\(u\)\(xviii\)](#)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

I70 Atod. 1 para. 32 mewn grym ar 1.4.2014 i'r graddau nad yw eisoes mewn grym gan O.S. 2013/1466, **ergl. 3(1)**

Cyfrifon SAC

- 33 (1) Yr Archwilydd Cyffredinol fydd y swyddog cyfrifyddu ar gyfer SAC.
- (2) Rhaid i'r swyddog cyfrifyddu, ar gyfer pob blwyddyn ariannol, yn unol â chyfarwyddiau a roddir gan y Trysorlys—
- cadw cyfrifon priodol a chofnodion priodol mewn perthynas â hwy, a
 - paratoi datganiad o gyfrifon.
- (3) Rhaid i ddatganiad o gyfrifon roi barn wir a theg ar—
- cyflwr materion SAC ar ddiwedd y flwyddyn ariannol, a
 - incwm a gwariant SAC yn ystod y flwyddyn ariannol.
- (4) Mae'r cyfarwyddiadau y caiff y Trysorlys eu rhoi yn cynnwys (ond nid ydynt yn gyfyngedig i) gyfarwyddiadau yn ymwneud â'r canlynol—
- y materion a'r trafodion ariannol y mae'r cyfrifon neu'r datganiad o gyfrifon i ymwneud â hwy;
 - yr wybodaeth sydd i'w chynnwys yn y cyfrifon a'r modd y mae'r cyfrifon i'w cyflwyno;
 - y dulliau a'r egwyddorion y mae'r cyfrifon i'w paratoi yn unol â hwy;
 - yr wybodaeth ychwanegol (os oes gwybodaeth felly) sydd i ddod gyda'r cyfrifon neu'r datganiad o gyfrifon.
- (5) Caiff y cyfarwyddiadau y caniateir i'r Trysorlys eu rhoi hefyd gynnwys cyfarwyddiadau i baratoi cyfrifon sy'n ymwneud â materion a thrafodion ariannol personau ac eithrio SAC.
- (6) Mae gan swyddog cyfrifyddu SAC, mewn perthynas â chyfrifon a chyllid SAC, gyfrifoldebau eraill a bennir o bryd i'w gilydd gan y Cynulliad Cenedlaethol.

Gwybodaeth Cychwyn

I71 Atod. 1 para. 33 ddim mewn grym ar y Cydsyniad Brenhinol, gweler **a. 35(2)**

I72 Atod. 1 para. 33 mewn grym ar 1.4.2014 gan O.S. 2013/1466, **ergl. 3(1)**

Archwilio SAC etc

- 34 (1) Y Cynulliad Cenedlaethol sydd i benodi person yn archwilydd cyfrifon SAC, ac i bennu telerau penodi'r person hwnnw.
- (2) Caiff SAC argymhell person at ddibenion is-baragraff (1).
- (3) Dim ond os yw'r person yn archwilydd cymwysedig fel y'i ddiffinnir yn adran 19 y mae person yn gymwys i'w benodi.
- (4) Os yw person a benodir yn archwilydd yn peidio â bod yn archwilydd cymwysedig, mae'r person yn peidio â bod yn archwilydd.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)

- (5) Rhaid i'r person a benodir yn archwilydd roi sylw i'r safonau a'r egwyddorion y byddai disgwyl i ddarparwr proffesiynol arbenigol o wasanaethau cyfrifyddu neu archwilio eu dilyn.
- (6) Rhaid i SAC dalu tâl cydnabyddiaeth i'r archwilydd fel y darperir ar ei gyfer gan delerau penodi'r archwilydd, neu o dan y telerau hynny.

Gwybodaeth Cychwyn

I73 Atod. 1 para. 34 ddim mewn grym ar y Cydsyniad Brenhinol, gweler **a. 35(2)**

I74 Atod. 1 para. 34 mewn grym ar 1.4.2014 gan **O.S. 2013/1466, ergl. 3(1)**

- 35 (1) O ran datganiad o gyfrifon a baratoir o dan baragraff 33, rhaid iddo—
- (a) cael ei lofnodi gan swyddog cyfrifyddu SAC, a
 - (b) cael ei gyflwyno gan gadeirydd SAC i'r archwilydd a benodwyd o dan baragraff 34,
- heb fod yn hwyrach na 5 mis ar ôl diwedd y flwyddyn ariannol y mae'r datganiad yn ymwneud ag ef.
- (2) Rhaid i'r archwilydd—
- (a) ymchwilio i unrhyw ddatganiad o gyfrifon a dderbynnir ganddo o dan is-baragraff (1) a'i ardystio, a
 - (b) gosod y datganiad o gyfrifon fel y'i hardystiwyd ganddo ynghyd â'i adroddiad arno gerbron y Cynulliad Cenedlaethol.
- (3) Rhaid i'r archwilydd, yn benodol, fod yn fodlon, ar ôl ymchwilio i ddatganiad o gyfrifon a gyflwynir iddo—
- (a) bod y gwariant yr aed iddo ac y mae a wnelo'r datganiad ag ef yn gyfreithlon ac yn unol â'r awdurdod sydd yn ei lywodraethu;
 - (b) nad yw arian y mae'r datganiad yn ymwneud ag ef, a gafodd SAC at ddiben penodol neu at ddibenion penodol, wedi ei wario ond at y diben hwnnw neu'r dibenion hynny;
 - (c) bod y datganiad o gyfrifon yn cydymffurfio â gofynion unrhyw ddeddfiad sy'n gymwys i'r cyfrifon neu'r datganiad o gyfrifon;
 - (d) bod arferion priodol wedi eu dilyn wrth baratoi'r datganiad o gyfrifon.
- (4) Mae gan yr archwilydd yr hawl, ar bob adeg resymol, i gael gafael ar bob dogfen yr ymddengys i'r archwilydd ei bod yn angenrheidiol at ddibenion archwilio'r cyfrifon.
- (5) Caiff yr archwilydd—
- (a) ei gwneud yn ofynnol i unrhyw berson sy'n dal, neu'n atebol am ddogfen o'r fath, ddarparu unrhyw gymorth, gwybodaeth neu esboniad y mae'n rhesymol yn credu ei fod neu ei bod yn angenrheidiol at y dibenion hynny;
 - (b) ei gwneud yn ofynnol i berson perthnasol ddarparu cyfrifon i'r archwilydd, ar adegau a bennir ganddo, o ran y trafodion hynny (gan y person perthnasol) a bennir gan yr archwilydd.
- (6) Ystyr "person perthnasol" yw—
- (a) yr Archwilydd Cyffredinol,
 - (b) SAC, neu

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
 ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

- (c) unrhyw berson y mae'r cyfrifon yn ymwneud â'i faterion a'i drafodion ariannol o ganlyniad i baragraff 33(5).
- (7) Caiff yr archwilydd—
 - (a) cynnal ymchwiliadau i ddarbodaeth, effeithlonrwydd ac effeithiolrwydd y modd y mae'r Archwilydd Cyffredinol wedi defnyddio adnoddau wrth gyflawni swyddogaethau'r Archwilydd Cyffredinol;
 - (b) cynnal ymchwiliadau i ddarbodaeth, effeithlonrwydd ac effeithiolrwydd y modd y mae SAC wedi defnyddio adnoddau wrth gyflawni swyddogaethau SAC;
 - (c) gosod adroddiad o ganlyniadau unrhyw ymchwiliadau o'r fath gerbron y Cynulliad Cenedlaethol.
- (8) At ddibenion cynnal ymchwiliadau o'r fath—
 - (a) mae gan yr archwilydd hawl i gael gafael, ar bob adeg resymol, ar bob dogfen ym meddiant neu o dan reolaeth yr Archwilydd Cyffredinol neu SAC, y mae ar yr archwilydd angen rhesymol amdano at y dibenion hynny;
 - (b) caiff yr archwilydd ei gwneud yn ofynnol i unrhyw berson sy'n dal, neu'n atebol am, unrhyw un o'r dogfennau hynny, ddarparu unrhyw gymorth, gwybodaeth neu esboniad y mae'n rhesymol yn credu ei fod neu ei bod yn angenrheidiol at y dibenion hynny.

Gwybodaeth Cychwyn

I75 Atod. 1 para. 35 ddim mewn grym ar y Cydsyniad Brenhinol, gweler [a. 35\(2\)](#)

I76 Atod. 1 para. 35 mewn grym ar 1.4.2014 gan [O.S. 2013/1466](#), [ergl. 3\(1\)](#)

Gwybodaeth Cychwyn

I73 Atod. 1 para. 34 ddim mewn grym ar y Cydsyniad Brenhinol, gweler [a. 35\(2\)](#)

I74 Atod. 1 para. 34 mewn grym ar 1.4.2014 gan [O.S. 2013/1466](#), [ergl. 3\(1\)](#)

I75 Atod. 1 para. 35 ddim mewn grym ar y Cydsyniad Brenhinol, gweler [a. 35\(2\)](#)

I76 Atod. 1 para. 35 mewn grym ar 1.4.2014 gan [O.S. 2013/1466](#), [ergl. 3\(1\)](#)

Tystiolaeth ddogfennol

- 36 (1) Mae gosod sêl SAC i'w ddilysu â llofnod—
- (a) aelod o SAC, neu
 - (b) cyflogai i SAC a awdurdodwyd (naill ai'n gyffredinol neu'n benodol) ar gyfer y diben hwnnw gan SAC.
- (2) Mae dogfen yr honnir ei bod wedi ei chyflawni'n briodol o dan sêl SAC, neu yr honnir ei bod wedi ei llofnodi ar ei rhan—
- (a) i gael ei derbyn yn dystiolaeth, a
 - (b) oni phrofir i'r gwrthwyneb, rhaid cymryd ei bod wedi'i chyflawni neu ei llofnodi felly.

Gwybodaeth Cychwyn

I77 Atod. 1 para. 36 ddim mewn grym ar y Cydsyniad Brenhinol, gweler [a. 35\(2\)](#)

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys
ar gyfer y Deddf Archwilio Cyhoeddus (Cymru) 2013, ATODLEN 1. (See end of Document for details)*

I78 Atod. 1 para. 36 mewn grym ar 1.4.2014 gan O.S. 2013/1466, **ergl. 3(1)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, ATODLEN 1.